

0.0.1 kalahavivādasuttaṃ

875. phasso nu lokasmiṃ kutonidāno,
pariggahā cāpi kutopahutā;
kismiṃ asatte na mamattamatthi,
kismiṃ vibhute na phusanti phassā.

876. nāmañca rūpañca paṭicca phassā,
icchānidānāni pariggahāni;
icchāya'santyā na mamatta matthi,
rūpe vibhute na phusanti phassā.

877. kathaṃ sametassa vibhoti rūpaṃ,
sukhaṃ dukhaṃ vāpi kathaṃ vibhoti;
etaṃ me brūhi yathā vibhoti,
taṃ jānissāma¹ iti me mano ahu.

878. na saññasaññi na visaññasaññi,
nopi asaññi na vibhūtasaññi;
evaṃ sametassa vibhoti rūpaṃ,
saññānidānā hi papañcasaṅkhā.

¹taṃ jāniyāma -simu2